

ATUARFIK DIGITALIUSOQ

DEN DIGITALE FOLKESKOLE

2025 - 2029



ATUARFIK DIGITALIUSOQ II 2025 - 2029

SIULEQUT

Digitaliusunik ineriartortitsineq meeqqat atuarfiannut tunngasuni siuarsaanermut pingaarutilimmik inissisimavoq, unalu IT-mik atuinnermut periusissiaq nutaaq periusissiaasimasup Atuarfik Digitaliusup nanginneraa.

Ilinniartitaanermut Aqutsisoqarfiup attuumassutilinnik suleqateqarluni periusissiaq una suliaraa, sammisallu pingaarnerit pingasut pingaartinneqarnerat attatiinnarlugu: Atortussat digitaliusut, digitaliusunik atuinnermi piginnaasat kiisalu attavilersuutit allaffissornerlu.

Periusissiami uani Ilinniartitaanermut Aqutsisoqarfiup ukiuni kingullerni misilittagariligai periusissiaasimasumillu "Atuarfik Digitaliusoq (2018 - 2019)"-imik nalilersuinerit tunngavigineqarput.

Kommunik, Ilinniarnermik Ilisimatusarfimmik attuumassuteqartunillu pingaarutilinnik ataatsimeeqateqartarnerni pisariaqartitat angorusutallu saqqummiunneqartut periusissiami ersersinneqarput. Ilinniartitaanermut Aqutsisoqarfiup IT-mik atuinnermut periusissiornermini attassinissamut ineriartornissamullu pilersaarut II aamma ilinniartitaanermut pilersaarut periusissiarlu sinaakkutarissallugit pingaartippai.

Anguniagaavoq atuartsineq eqaatsoq, pilersitsiffiusoq piujuartitsisorlu, tassanilu digitalitigut aqqiisarnerit atuartut ilinniarnernannut ilinniartitsisullu sulinerannut tapersiissasut.

Ataatsimoorussanik atuartsinermut atortussanik Kalaallit Nunaanneersunik immersorusaarneqartartunik digitaliusunik atortussaqaarneq qitiusumillu nittartagaqaarneq nunami tamarmi assigiissaarinissamik atuartsisarnerullu pitsaannerulernissaanik qulakkeerinneqataassapput.

Aamma ilinniartitsisut atuartullu teknologiimik atuilluarlutillu pilersitsisarnissaat pingaartinneqarpoq. Taamak periuseqarnerup siunissami atuarfiit unammilligassanut piareersassavaat, aammalu ilinniarneq piujuartitsinerlu annerulersissallugit.

Ilinniartitaanermut Aqutsisoqarfiup periusissiap atornerqalernissaa aamma meeqqat atuarfeqarfiinut tamanut naleqarnerulersitsinissaa qilanaarai.



SAMMISAQ 1

ATORTUSSAT DIGITALIUSUT

Atuartsinermi atortunik digitaliseeriineq eqaannerusumik pilersitsiffiusumillu ilinniarnissamut periarfissiisaaq, aamalu meeqqat atuarmiisa piujuartitsiffiunerulernissaannut nukissaqalersitsissalluni.

Atuartsinermi atortussanut digitaliusunut tunngavissanik ataatsimoorussassanik ineriartortitsineq pitsaassutsip assigiiaarsinneqarnerulernissaanut, atuartsinermi atortussanik tigussaasunik pisariaqartitsinnginnerulernissamut ilinniartitsisullu piareersartarnerisa ajornannginnerulernissaannut periarfissiisaaq.

Periusissiami anguniagaavoq ilinniartitsisut atuartsinerminni nittartakkatigut atortussanik aallertarfiisa ikilinnissaat, taamaasillutik ilinniartitsisut allallu atuisartut atortussanik naleqquttunik aallernissaminnut ataasiinnarmik iserfissaqalissapput. Ataatsimut ineriartortitsinissamut pilersaarusiornissaaq pisariaqarpoq, taamaattumik ilinniartitaanermut Aqutsisoqarfiup, Kivitsisap, kommunit ilinniarnermillu Ilisimatusarfiup akornanni suleqatigiinnermut ataatsimiititaliaq aqqutigalugu ataatsimoorluni ineriartortitsinissamut pilersaarusiortoqassaaq, tamatuma qulakkiissammagu atuartsinermi atortussat naleqquttuujunissaat ajornaatsumillu nutarterneqartarsinnaanisaaq. Tamanna atuartsisarnermik pitsaanerulersitsiinnassanngilaq, aammali meeqqat atuarmiannut tunngasunik suliallit akornanni pitsaanerusumik ataqatigiissitsilissaaq.

Aamma atuartsinermit ilaatillugu atuartut teknologiimik atuiulluarnissaannut pilersitsisarnissaannullu ikorfartorneqassapput. Atortut aaqqiissutissat nutaaliornerrullu tungaasigut siuarsaasut ineriartornermut ilaatinneqassapput, ilinniartitsisullu atuartsissutissatigut teknologiimik paasinninnermut piginnaanngorsassapput.

Atortunik digitaliseeriinnermut atatillugu aaqqiissutit digitaliusut pioreersut, soorlu iBogi, MitCFU aamma GraphoGame, atorneqartarneri naleqqussusaallu nalilerneqassapput. Suleqatigiissitat aaqqiissutit tamakku qanoq iliorikkut ineriartorteqqinneqarnissaannut siunissamilu digitalinut tunngasunik suliniutinut ilanngunneqarnissaannut inner-suussuteqassapput.

Taamaasilluni atuartsinermit atortunik digitaliseeriineq ilinniarnernup pitsaanerulernissaanut qulakkeerinniinnarani aammali meeqqat atuarmiannut tunngasut piujuartitsinermik eqaannerusumillu tunngaveqarluni ineriartortinnissaannut iluaqutaassaaq.



SULINIUTIT

Atuartsinermut atortussanik ineriartortitsineq assigiis-saarinerlu

- ▶ Atuartsinermi atortut digitalisut saqqummersitat didaktikkitaasa nutarternissaannut sinaakkusiornissaq.
- ▶ Atortussanik inerisaanermi kommunit, Ilinniartitaanermut Aqutsisoqarfiup Kivitsisallu akornanni suleqatigiinneq nukittorserniarlugu suleqatigiissitaliorneq, taakku siunissami ilinniarnermut tunngasunut nittartagaq sorleq atorneqassanersoq qinissavaat, taamaalillutik tamakkuninnga suliaqartartut ataasiinnarmik iserfissaqalissapput.
- ▶ Fagini tamani atuartsissutissanik ineriartortitsineq. Atuartsissutissat atuartut teknologiiamik atuermik-kut pilersitsinnaassuseqarnerannik ineriartortitseqataassapput. Tamatuma saniatigut atuartsissutit kikkunnit tamanit – atuartunit ilinniartitsisunillu – paasineqarsinnaallutillu ingerlanneqarsinnaassapput.

Ilinniartitaanermut Aqutsisoqarfimmi atortorissaarutiniq aaqqiissutinillu digitaliusunik nalilersuineq

Ilinniartitaanermut Aqutsisoqarfiup digitaliseeriilluni suliniutaanik assigiinngitsunik, soorlu iBogenimik, mitCFU-mik, GraphoGamemik allanillu nalilersuisussanik suleqatigiissitaliortoqassaaq.

- ▶ Atuisut amerlassusaat aammalu ineriartortitsinissamut digitaliseeriinermi suliniutissanik pisariaqartitsisoqarner-soq misissorneqassaaq.

Misilitsissutiniq digitaliseeriineq

- ▶ Suleqatigiissitaliortoqassaaq ilaatigut inatsisitigut naleqqussaalluni digitaliseeriinissamik pisariaqartitsisoqarneranut tunngatillugu periarfissanik misissuisussanik. Suleqatigiissitat suliaassamut attuumassuteqartuneersuussapput.
- ▶ Meeqqat atuarfiini inaarutaasumik misilitsinnerit digitaliseerernissaannut aaqqiissutissat aammalu offlinemik atorneqarsinnaaneri ulluinnarnilu atuartsinermut assingusuunissaat suliaralugit.

Naqinnernut ilisarsisinnaanngitsunut misiligut pasitsaas-siniutillu

Piffissami 2025-2027-mut naqinnernut ilisarsisinnaanngitsunut misiligut kalaallisoortoq digitaliusorlu ineriartortineqassaaq, patsisaassiniutillu pioreersut kalaallisoortullu digitaliseernerneqassapput.



SULINIUTIT - (nanginnera)

Sunniutaasussat

- ➔ Atuartitsinermut atortut digitaliusut ataatsimut sinaakkutillit tassaapput atuartitsinermut naleqquttut atuartitsinermilu atorneqartartut.
- ➔ Atortut pioreersut didaktikkitaat ingerlaavartumik nutarterneqarlutillu nittartakkami qitiusumi pissarsiasaasassapput.
- ➔ Suleqatigiinnermut ataatsimiititaliap qulakkiissavaa ilinniartitsinermut nittartakkap atortussanik naleqqutunik pilersortuarneqarnissaa.
- ➔ Atuartut atuarnerminni pilersitseqataallu atassapput, ilinniartitsisullu pilersitsinnaasseqarnermik aallaaveqarlutik teknologiit nutaajusut nassuiaateqarfigalugillu atortittassavaat. Siunissami atuartitsinermi atortussat ilinniartitsisumullu ilitsersuutit siunnersuutini tamatumunnga tunngassuteqartunik imaqtassapput.
- ➔ Ukiut tulluuttut marluk ingerlaneranni ilinniartitaanermut Aqutsisoqarfiup digitaliseeriinermi suliat atorneqarnerat nalilissavai, qanorlu atorneqalerumaarnerannut erseqqissunik innersuussuteqassalluni.
- ➔ Suleqatigiissitat 2026 naatinngu pilersinneqassapput. Inatsisinut tunngasutigut allannguutini siunnersuuteqartoqassaaq, suliassa qarfillu "digitalimik misilitsinnerit" misissorneqassalluni.
- ➔ Naqinnernut ilisarsisinnaanngitsunut misiligit pasitsaassiniutillu digitaliusut naqinnernik ilisarsisinnaanngitsut allatigullu atuarnermik ajornartorsiutillit siusissukkut nassaa isarnissaannut iliuuseqarfigisarnissaannullu ikiutaassapput, taamaasilluni Kalaallit Nunaanni ilinniartut assigiimmik atugaqarnissaat qaffassarneqassaaq.



SAMMISAQ 2

DIGITALINIK ILISIMASAQARNEQ

Inuiaqatigiit nalitsinni inuusut digitaliusunik atuinermik piginnaasaqarnissaat allaqqunneqarsinnaanngilaq. IT ator-torissaarutaassaaq ilinniarnernit pilersitsisinnaanermut suliaasanillu aaqqiinissamut ikiuutaasussaq – teknikkikkullu pisinnaasatuinnaq atorneqassanani. IT-mik atuinermut periusissiami nutaami uani ilinniartitsisut atuartullu siunissamut piareersarlugit digitaliusunik atuinermit piginnaanngorsassavavut.

Piginnaanngorsaanissamut atortussat ilaatigut atuarfinni sulisut ilinniartitaanermullu Aqutsisoqarfimmi sulisut digitaliusunik atuinermit pisariaqartunik piginnaasaqalernissaat qulakkiissavaat. Ikiortit¹ pingaaruteqarlunnartumik inissisimajumaarput ilinniartitsisut teknologiinik periaatsinillu nutaanik atuartitsisarnerminnut ilanngussisarnissaannik ikiortassagamikkit. Innersuussutigineqarpoq piginnaanngorsaanissamut atortussat platformimut qitiusumut Sammisag 1-imi nassuiaatigineqareersumut ilanngunneqarumaartut.

Periusissiaq atuartut atortorissaarutininik digitaliusunik ilisimasaqalersikkiartuaarneqarnerannik "learning by doing"-imillu kinguneqassaaq, taamaaliornikkullu teknologiip ilikkariatortnermut ilaatinneqartarnera nalinginnaale-riartussalluni.

Meeqqat atuarkiisa, inuusuttut ilinniarkiisa sulisartutullu inuunerup ataqatigiinnerat nukittorsarneqassaaq atuartut siunissami anguniagaat periarfissaallu ersarinneroqqullugit.

Digitaliusunik ilisimasaqarnissaaq pingaartilluinarneqassaaq. Atuartut teknologiip akisussaassusilimmik isumannaatsumillu atornissaa ilinniassavaat. Cyberimi isumannaassuseq klassini nukarlarni atuartitsissutigineqaleriissaaq. Ilinniartitsisut Iserasuaat.gl-ikkut atuartitsinermit atortussanik pissarsisinnaassapput, akisussaaf-feqarlunilu digitaliusuni iliutsinut annertusaasinnaasut ilinniartitsisunut ajornaannerulersinneqassallutik. Ilinniartitaanermut Aqutsisoqarfik aserfallattaaliinermit

akisussaasuussaaq. Aamma periusissiami teknologiit silasorissuusiatusut (AI) ittut atuartitsinermit malitassaqartinnissat piareersimaffigineqarput. Suliniutitigut tamakkunatigut siunissami atuarki pilersitsiffiusoq teknologiitigullu nukittuunngortitsisussaaq pilersissavarput, taamaalillutillu ilinniartitsisut atuartullu siunissamut digitaliusumut piareersarneqassapput.

¹ Ikiortit ilinniartitsisuupput Kivitsisa atuutilersinniarlugu suleqatiminnik ikiuisartussat.



SULINIUTIT

Piginnaanngorsaaneq

Teknologiik paasinneq atortorissaarutillu digitaliusut pingaartillugit ilinniartitsisunik ilinniartitaanermullu Aqutsisoqarfimmi sulisunik piginnaanngorsaasoqassaaq. Kingorna atuutilersitsinissamik pilersaarut ataqatigiissa-gaasoq najoqqutaralugu angisuumik suliniuteqartoqassasooq innersuussutaavoq.

- ▶ Teknologiik atuartitseriaatsinillu nutaanik atuutilersitsiniarnermi lkiortit ilinniartitsisunut ikiutaatinneqarnerat.

Atuartut teknologiinik atuinerminni piginnaasaat

- ▶ Atuartut inuusuttut ilinniarfiini ilinnialernissaat suliffeqarfinnullu piareersarnissaat siunertaralugu annerni PC ilisaritikkiaartuaarneqassaaq. PC-mik atuinermi piginnaasassanik tunngaviusunik aammalu hardwarenik softwarenillu atuinermik ilinniartitsineq.
- ▶ "Learning by doing" aallaavigalugu siuarsaaneq ilinniar-nermullu atatillugu kukkusarnerup akuerineqarnera. Tamanna ilinniartitsisunut atuartunullu atuuppoq.

Silassorissuusiaq siunissamilu teknologiit

- ▶ Silassorissuusiaq teknologiillu nutaat atuartitsiner-mi ilinniarnermut iluaqutitut atorneqartarneranni najoqqutassanik ilisarititsineq.
- ▶ Ilinniarnermut tunngasunut nittartakkanut IT-mik pisin-naasaqarnerulersitsisussanun isertarnerit annertusini-saat.

Digitalinik ilisimasaqarneq

- ▶ Ilinniartitaanermut Aqutsisoqarfiup susassaqtut pe-qatigalugit atortussat atuartitsissutissallu atuartumut digitalinik ilisimasaqarnerulersitsisussat akisussaasu-seqarlunilu onlinemik atuisalersitsisussat katersussa-vai.
- ▶ Atuartut teknologiip pilersitsiffiusumik aaqqiissutitullu atugassaaneramik ilinniartinnissaannik pingaartitsineq.
- ▶ Cyberip isumannaatsup ilinniusianiisinneqarnissaa.

Susassaqtutun avataaneersuunngitsunik avataaneersu-nillu inuttalimmik suleqatigiissitaliornermi pingaartinne-qassaaq "atortussanik programminillu inerisaanerit", taakku nukarlerni aallartittumik cyberimi isumannaatsuunissamik paasissutissartaqassapput. Suleqatigiissitat digitaliusu-tigut kanngunarsaasarnermik pinaveersaataasussanik najoqqutassiussapput.

Sunniutaasussat

- ▶ Ukiut pingasut qaangiutsinnagit nittartakkap pigin-naanngorsaaneermut nuna tamakkerlugu atorneqartus-sap atuutilernissaanut pilersaarut ataqatigiissagaasoq. lkiortinut tigussaasunik atortussaqtitsiffiusooq. Ilinniartitaanermut Aqutsisoqarfiup atortorissaarutiniq digitaliusunik atuinermi siuttuunissaa siunertaralugu aqutsisoqarfimmi sulisut suliasaqaarfimmi tamatumani piginnaanngorsartuarneqassapput.
- ▶ Atuartut siunissami sutigut piumasaqaateqarfigine-qarnissartik ilisimassammassuk meeqqat atuarfiat, inuusuttut ilinniarfii suliffeqarfiillu ataqatigiinneruler-sinneqassapput.
- ▶ 2027 naatinagu silassorissuusiaq teknologiillu nutaat atuartitsinerumt atorneqartarnissaannut najoqqutas-sat piareereerneqarsimassapput.
- ▶ Atortussat atuartitsissutissallu "learning by doing"-imik aallaavillit ineriartortinneqassapput.
- ▶ IT-mut tunngasunik nuna tamakkerlugu aaqqiissuisoqar-tassaaq.
- ▶ 2025 naatinagu digitaliusunut nittartagaq ataatsi-moorussaq (lserasuaat.gl) atortussanut pinaveersaa-taasussanun naleqquttunik linkitalik pilersinneqareer-simassaaq, taamaasillutik ilinniartitsisut inersimasullu pinaveersaartitsinermik suliallit Kalaallit Nunaanni atuartunut sullissinermi atortussaminnik ajornaan-nerusumik pissarsiorsinnaallutillu atuisinnaassapput.



SAMMISAQ 3

ATTAVEQAATIT ALLAFFISSORNERLU

Attaveqaqatigiilluarneq datanillu katersuinerup ataqatigiissagaallugaanissaa meeqqat atuarfeqarfiata ineriartortinnissaanut patajaallisarnissaanullu pingaaruteqarput. Datanik aalajangersimasunik katersuinissamut ilisimasaqarlualernissamullu kommunit, Ilinniartitaanermut Aqutsisoqarfiup Naatsorsueqqissaartarfiullu akornanni naleqqussaasoqassaaq datallu katersorneqarsimasut amerlanerit digitalinngortinneqassallutik. Periusissiap Ilinniartitaanermut Aqutsisoqarfiup, kommunit Naatsorsueqqissaartarfiullu akornanni suleqatigiinneq pitsaanerulersissavaa, tamannalu pissaaq aalajangersimasunik suleqatigiissitaqarnikkut. Suleqatigiissitap ilisimasanik avitseqatigiittarnerit siuarsassavai suliniutinillu tamanik qulakkeerinittassalluni.

Aamma alimasissumit atuartsineq, ilaatigut meeqqat atuarfeqarfiinut ilaasutut malittarisassaqarluni aqqis-suunneqassaaq, taannalu nuna tamakkerlugu iliuusissiaqarlunilu malitassaqassaaq atuartut assigiissaakkanik ilinniarnissaannut periarfissiisussamik.

Atuarfinnut Ilinniartitaanermullu Aqutsisoqarfimmu teknikkikkut ikiuisartussanik atorfinitsitsisoqassaaq, taamaasilluni atuarfiit atortunik digitaliusunik atuinerminni eqqortumik siunnersorneqarlutillu ilitersorneqartassaput.

Atuartsinerimi teknologiimik atuilluarsinnaaneq qulakkeerumallugu teknikkikkut akisussaasut Kivitsisap teknikkut atortui pillugit suleqatigiissavaat.

Teknikkitigut akisussaasut atuartsinerimi teknologiinik atuilluarnissat qulakkeerluarumallugit Kivitsisap teknikitigut atortuisa suleqatigiissutiginnissat annertunerpaamiisinniarlugit aamma suleqatigiittoqassaaq.

Periusissiaq ersarissumik sinaakkusiissaaq aammalu ilinniartsisunut atuartunullu ikiuisarnermik pitsaanerulersitsissalluni, taamaasilluni teknologii pitsaasoq atuartsinerup pitsaanerulernissaanut sakkuussaaq atuarfimmilu susassaqarfiit allat, ass. Tabuleximik atuinerit nukittorserneqassallutik.

Kalaallit Nunaanni ilinniartitaanermut 2024-mit 2030-mut periusissiamut ilagitillugu meeqqat atuarfeqarfiisa allaffissorneri digitaliseererneqassapput. Nalunaarutit nutaap nalunaarusiortarnerit assigiiaalersissavai allaffisornikkullu ataatsimoorussaaq systemi digitaliusoq, Tabulex, atuarfeqarfiit akornanni assigiimmik atorneqalernissaa qulakkiissallugu.

Suliniutip uuma digitaliusunik atuinerunissaaq allaffissornerlu pilertornarnerusoq taamalu ajornaannerullunilu datanik pigisanik pitsaanerulersitsisussaaq siuarsassavaa. Tabuleximik aqqissuussamik atorluaaneq atuarfinni nukissanut atuinerup pitsaanerulersitsissaaq suliaasanullu pingaarutilinnut piffissaqarnerulersitsissalluni. Digitaliseeriineq meeqqat atuarfiinik nutaaliaanerulersitsissaaq ataqatigiinnerulersitsissallunilu, taamalu atuartsitsinerit pitsaanerulernissaannut ikiuutaassalluni.



SULINIUTIT

Susassaqtut akornanni ataqatigiisaaquineq

- ▶ Ilisimasanik avitseqatigiittarneq ataqatigiisaaqinerlu pitsanngorsarniarlugit Ilinniartitaanermut Aqutsisoqarfiup, kommunit Ilinniarnermillu Ilisimatusarfiup akornanni suleqatigiinnermik aalaakkaasumik pilersitsineq.
- ▶ Alimasissumit atuartsisineq nuna tamakkerlugu malitassaqaalersinneratigut atuarfeqarfiit aaqqissuusaanerannut ilaatinneqalissaaq. Tamanna pissaaq alimasissumit atuartsisarnermut nuna tamakkerlugu iliuusissiakkut.

Isumalluutitik aqutsineq teknikkimullu tunngasunik ikiuisarneq

- ▶ Teknikkimut tunngasunut akisussaasunik atorfinitsisinikkut atortorisarutitik digitaliusunik ilinniartitsisunut atuartunullu siunnersuisarneq aamma Ilinniartitaanermut Aqutsisoqarfimmi sulisunut ikiuisarneq.
- ▶ Tamatuma saniatigut teknikkimut tunngasunik akisussaasut Kivitsisami teknikkimut tunngasunik akisussaasunut toqqaannartumik attaveqartarsinnaapput.

Allaffissorneq datallu

- ▶ Ilinniartitaanermut Aqutsisoqarfimmit, kommunit Naatsorsueqqissaartarfimillu inuttaligaasumik suleqatigiissitaliortoqassaaq datat sorliit meeqqat atuarfeqarfiannit pisariaqartinneqarnerannik paasiaanermut akisussaasussanik.

Sunniutaasussat

- ➔ Suleqatigiinneq meeqqat atuarfeqarfiini susassaqtut akornanni ilisimasanik avitseqatigiittarneq ataqatigiissagaanerullu pitsaanerulernissaannik qulakkeerineqataassaaq. Nuna tamakkerlugu najoqqutassaqartitsinikkut alimasissumit atuartsisarneq meeqqat atuarfeqarfiinut ilaasunngorlugu malitassaqaalersinneqassaaq, nuna tamakkerlugu alimasissumit atuartsisarnermut iliuusissiamik tapertaqartinneqassalluni.
- ➔ Teknikkimut tunngasunik akisussaasut atortorisarutitik digitaliusunik atuisarneq pillugu ilinniartitsisunik atuartunillu ataavartumik siunnersuisarneq ikiuisarneq qularnaassavaat. Aamma atuarnermi teknologini atuisarneq pitsaanerpaaqqullugu Kivitsisap teknikkimut tunngasunik akisussaasunik suleqateqarneq pitsanngorsarneqassaaq.
- ➔ Suleqatigiissitat meeqqat atuarfeqarfianni ineriartorneq pillugu ilisimasaqarnerulersitsissapput.



EQIKKAANEQ

INNERSUUSSUTIT

Naggasiineq naleqqiussinerlu

Alimasissumit toqqaannartumik atuartitsarnermut nuna tamakkerlugu periusissiamut atatillugu ilaatigut qaangerniagassaqpooq, pingaartumik isorliunerusuni attaveqaatersuutit eqqarsaatigalugit. Ajornartorsiutit tamakku qaangerniarnissaannut aammalu digitalimik ilinniarnit ilinniartitaanerlu pitsaanerpaassappata innersuussutigineqarpoq:

- ▶ Digitalitigut attaveqaatersuutitigut nutarsaanissaq
 - Pingaartumik Kalaallit Nunaanni isorliunerusuni internettimut attaveqaatit pitsanngorsarneqarnissaat pingaartillugu nuna tamakkerlugu pilersaarut ineriartortinneqassaaq.
- ▶ Sumiiffinni attaveqaasersuutitigut killeqarnerusuni atuartitsarnerit misilitsissutissallu digitaliusut eqqarsaatigalugit offlinemik aqqiisoqarnissaa pingaarnerutinneqassaaq.

- ▶ Nunamut tamarmut atuuttumik oqalliffiliortoqassaaq
 - Qaangerniagassat taaneqareersut oqallisigineqarsinnaaqqullugit aqqivigisinnaaqqullugillu oqalliffiliortoqassaaq. Oqalliffimmut tassunga attuumassuteqartut pingaarnerit ilaatinneqartariaqarput, soorlu Ilinniartitaanermit Aqutsisoqarfik, kommunit, Attat, Tusass, Digitalimik Sullissinermit Aqutsisoqarfik Ilinniarnermillu Ilisimatusarfik.

Sukannersumik innersuussutaasut iliuuseqarnissamillu kaammattuutaasut

Periusissiamik matuminnga atuutilersitsiniarneq iluatsisappat isorliunerusuni qaangerniagassaasut iliuuseqarfigineqartariaqarput. Taamaattumik sukannersumik innersuussutaavoq:

- ▶ Attaveqaatit nutarsarneqarnissaannik pisariaqartitsineq tunngavilersukkamik nassuiaatigineqassasoq
 - Suliniuteqarfiit allat iluatsittumik ingerlanissaannut pingaaruteqarmat, soorlu alimasissumit atuartitsineq, MitCFU aamma misilitsissutit digitaliusut.

- ▶ Digitaliseeriinermi alloriaatit ersersinneqassasut qaangerniagassaalersullu suussusersineqartassasut. Tamanna pisassaaq:
 - Maanna suliniutaasunik naliliisarnikkut pitsannguttissallu qulakkeertarnerisigut.
 - Aqqiissutissat piujuarsinnaasut siuarsarniarlugit susassaqtunik attuumassuteqartunik suleqateqartarneq.

Anguniagassatut kissaatigineqartut angunissaannut iliuussisatut pilersaarut erseqqissunik anguniagaqarfiullunilu piffissalersugaasoq pisariaqarpoq. Kalaallit Nunaanni tamarmi assigiissumik ilinniartitaanissap atorussallu digitaliusut assigiissumittaaq pissarsiarineqarsinnaanissaat qularnaarneqaaqqullugu atuarfiit isorliunerusuniittut pingaarnerpaatinneqassapput.

